

Hab. propè Erzeroum Auch. N° 4882, in *Armeniâ* circâ *Kochapounar*, cl. Huet du Pavillon.

Folia 2-3 pollices longa 1  $\frac{1}{2}$ -2 lineas lata. Scapus 2-4 pollicaris. Capitulum angustum ferè pollicare. Affinis *Sc. stenocephalæ* quæ differt radice apice in cylindrum productâ, collo vaginis scariosis numerosis vestito, capitulis minoribus, involucri phyllis angustis.

SCORZONERA KURDICA Boiss. et Noë. (Sect. *Euscorzoneræ*.)

S. radice minutâ ovatâ subtùs fibrillas tenues edenti, caule pumilo medium versùs in 3-5 ramos arcuatos monocephalos diviso, foliis radicalibus et ad caulis divisionem copiosis angustè lineari-lanceolatis margine undulato-crispis apice longè attenuato-acuminatis glabrescentibus, rameis paucis minutis e basi latiori amplexicauli lanceolatis, capitulis cylindricis, involucri phyllis 7-9 glabris pallidè virentibus inferioribus triangulari-ovatis multò brevioribus cæteris lanceolatis omnibus obtusis, flosculis pallidè roseis involucre longioribus, acheniis brevibus obconicis sulcatis ad costas denticulato-scabris pappo niveo eis duplò longiori terminatis.

Hab. in subalpinis Persiæ in *Kurdistanâ* propè *Mendeli* cl. Noë. Flor. Majo.

Planta 5 pollicaris, folia 2 lineas circiter lata, rami sesquipollicares, capitulum ferè pollicare. Affinis speciei præcedenti a quâ sat differre videtur radice minutâ non corticoso-squamosâ, caule ramoso, foliis apice longè attenuatis, involucri phyllis inferioribus valdè abbreviatis.

SCORZONERA SYRIACA Boiss. et Blanche. (Sect. *Euscorzoneræ*.)

Sc. radice cylindricâ tenui squamis fuscis ad collum modicè obsitâ, caule erecto ad medium usquè folioso monocephalo glabro, foliis radicalibus basi attenuatis gramineis linearibus plurinerviis apice attenuatis glabrescentibus, caulinis brevioribus basi rotundatâ sessilibus, capitulis cylindrico-obconicis, involucri phyllis 9-11 tomento brevissimo tandem sæpè detersili obsitis infimis brevissimis triangularibus acutis intimis lanceolatis obtusis, flosculis luteis involucre sesquolongioribus, acheniis striatis exterioribus parte superiori sparsim et minutè scabris cæteris lævibus, pappi rufescentis achenio longioris setis 5 longioribus apice nudis.

Hab. in rupestribus Libani inter *Scanderouna* et *Jumalié* propè *Saida* cl. Blanche. Floret Martio.

Caulis tandem pedalis, folia inferiora semipedalia 2-3 lineas lata secùs nervum medium validiorem plicata, capitula ea *Sc. humilis* æquantia. Hujus varietati angustifoliæ affinis differt involucri phyllis latioribus obtusis inferioribus magis abbreviatis, acheniis exterioribus scabridis nec lævissimis. *Sc. parviflora* Jacq. quam habitu magis refert longiùs differt capitulis minoribus, flosculis involucrum non superantibus, etc. *Sc. Bætica* foliis crassiusculis, involucri phyllis acutissimis a nostrâ specie facilè distinguitur.

### SCORZONERA CILICIA Boiss. (Sect. *Gelasia*.)

*Sc.* tota adpressè sericeo-cana radice crassâ cylindricâ verticali nigrâ rosulas foliorum caulesque laterales ascendentes edenti, caulibus foliosis striatis adpressè canescentibus rigidis supernè ramos alternos monocephalos elongatos rigidos strictissimos edentibus, foliis radicalibus caulinisque inferioribus linearibus parallelè plurinerviis obtusiusculis, superioribus abbreviatis, rameis angustissimè lanceolatis acutissimis, capitulis parvis brevibus, involucri phyllis præter mediam partem virentem adpressè canescentem latè scariosis subcoriaceis lanceolatis acuminatis exterioribus triplò minoribus, flosculis flavis involucro tertiâ parte longioribus, acheniis tenuiter cylindricis striato-sulcatis glabris, pappi rufescentis achenio sublongioris setis ad medium usquè scabris.

Hab. in rupestribus montium *Utsch Deppe* et *Gisyl Deppe* alt. 8000' cl. Kotschy.

Caulis  $\frac{1}{2}$ -1 pedales, folia 3-4 pollicaria 2  $\frac{1}{2}$ -3 lineas lata. Pedunculi cauli stricti 1-3 pollicares. Capitula magnitudinis eorum *Sc. pygmeæ* a quâ caule elato ramoso involucrique phyllis acuminatis differt. *Sc. cinerea* Boiss. ei habitu affinis differt foliis multò latioribus, capitulis duplò majoribus, involucri phyllis duplò numerosioribus acutioribus.

### SCORZONERA CINEREA Boiss, var. *undulatifolia* B. et Huet.

A typo speciei in montibus Persiæ borealis crescenti differt foliis margine undulato-crispis apice magis attenuato-acuminatis.